

Predmet : Zastupnička **INICIJATIVA**

30.Radna sjednica

Datum: 05.05.2026. godine

Uputiti:

-Predsjedavajući Skupštine Kantona Sarajevo

-Vlada KS/Ministarstvo za odgoj i obrazovanje/ ministrica Naida Hota-Muminović

Na osnovu Poslovnika Skupštine Kantona Sarajevo, upućujem inicijativu za obnovu i rekonstrukciju objekta stare Šumarske škole na Ilidži, jednog od najstarijih školskih objekata na području Kantona Sarajevo, koji nije sistemski obnovljen još od perioda agresije na Bosnu i Hercegovinu 1992–1995. godine.

Inicijativom tražim od Ministarstva za odgoj i obrazovanje Kantona Sarajevo da tokom ove budžetske godine razmotri i pokrene proceduru izrade idejnog projekta obnove objekta, te da od naredne budžetske godine planira sredstva za pripremu projektne dokumentacije i početak realizacije projekta obnove i revitalizacije ovog značajnog objekta.

Obrazloženje:

Objekat poznat kao „Stara šumarska škola“ u Velikoj Aleji na Ilidži predstavlja vrijedan dio obrazovne, arhitektonske i prostorne historije ovog područja. Iako je u javnosti poznat kao srednja šumarska škola, riječ je o objektu koji je kroz različite historijske periode imao obrazovnu i stručnu namjenu povezanu sa šumarstvom, hortikulturom i upravljanjem prirodnim resursima.

Smješten uz Veliku Aleju na Ilidži, jedan od najprepoznatljivijih prirodnih i ambijentalnih prostora Kantona Sarajevo, ovaj objekat ima poseban značaj zbog svoje lokacije i historijske vrijednosti. Neposredna blizina Vrela Bosne, Stojčevca i parkovskih površina činila je ovu lokaciju idealnom za praktičnu nastavu i obrazovne aktivnosti iz oblasti zaštite prirode i upravljanja okolišem.

Danas se objekat nalazi u izrazito lošem stanju i zahtijeva hitno plansko djelovanje nadležnih institucija kako bi se spriječilo njegovo dalje propadanje. Obnova ovog objekta predstavljala bi važan korak u očuvanju kulturno-obrazovnog naslijeđa, ali i stvaranju novih mogućnosti za obrazovne, društvene i javne sadržaje u budućnosti.

Zbog svega navedenog, tražim od nadležnog ministarstva i Vlade Kantona Sarajevo da razmotre i prihvate ovu inicijativu, te pokrenu proces pripreme i realizacije konačne obnove objekta stare Šumarske škole na Ilidži.

S poštovanjem

Zastupnik Elvis Vreto

Narod i Pravda